

HARVARD COLLEGE LIBRARY  
FROM THE  
HARVARD-YENCHING  
INSTITUTE

AUG 30 1929

Ch L 9299.1142

55

~~Ch L 9301.114~~

*77:99/114*

55

1

三才圖會

鳥獸三卷

前編

解

海鳥

瑞鳥

序

卷一

卷二

卷三

卷四

卷五

卷六

卷七

卷八

卷九

卷十

三才圖會

鳥獸三卷

獸類

麋	羸	熊	犬	象	麒麟
麋	狐	麝	獾	虎	狻猊
貓	鼯	鼠	馬	兔	獬豸
水馬	麀	獺	豕	鹿	海馬
豹	麝	鼯	鯨鯉	牛	騶虞
駝	龍馬	如人	羊	驢	犀

哈佛大學哈佛燕京圖書館珍藏印

雲間元明父王思義續集



麋 麀 麇

狨 猴

貂 狻

獾 豺

豸 赤豹

貔 羆

麒

麟



其麟  
鹿麟

大戴禮毛蟲三百六十而麒麟爲之長說文牝曰麒麟曰  
麟牡鳴曰遊聖牝鳴曰歸和春鳴曰扶幼秋鳴曰養綏春  
秋感精符王者不剝胎不破卵則麒麟出于郊孫卿子曰  
王者好生惡殺則麟遊于野或云麟有角麒麟似麟而無角  
宋均曰麒麟色青黃說苑云麒麟麇身牛尾馬足圓蹄一  
角角上有肉

後猊

即獅



三才圖會卷之三 鳥獸三卷  
三  
俊猊

俊麀如虎貓食虎豹即獅子也蓋虎色謂之麀貓而西域  
傳訛稱獅子似虎正黃而有順尾端毛大如斗又詩稱韓  
土之樂有貓有虎周書記武王之符禽虎二十有二貓貓  
則是虎之類也



獬豸



獬豸

東望山有獬豸者神獸也堯前有之能觸邪狀如羊一角  
四足王者獄訟平則至御史臺故事云御史法冠一名獬  
豸神羊也有一角楚王嘗獲之

海

馬



水圖卷之三

四

水圖卷之三

四

海馬

海馬山海經云北海內獸狀如馬又善走故服色之有取  
 於海馬者以善走也或云駒駘亦馬之善走者即海馬又  
 隋書云西域土谷渾有青海中有小山其俗至冬冰合輒  
 放牝馬於其上言得龍種嘗得波斯馬放入海因生驄駒  
 日行千里故時稱海馬

海馬



三才圖會卷之魚鳥三



騶虞

林氏國在海外有仁獸如虎五采尾長於身不食生物名曰騶虞乘之日行千里六韜云紂囚文王其臣閔天求得此獸獻之紂大悅乃釋文王

犀



犀

犀南徼外牛形似水牛猪頭大腹卑脚脚有三蹄黑色三角一角在頂一角在額一角在鼻鼻上者即食角也小而不櫛好食棘亦有一角者前足直常倚木而息木仆則不能起犀之通天者必惡影常飲濁水角之理形似百物其理有倒挿正挿腰鼓齒挿者一半已下通正者一半已上通腰鼓者中斷不通故波斯謂牙為白暗犀為黑暗

象



象

出交趾山谷身具百獸肉皆自有分段惟鼻是其本肉三  
歲一乳其身倍數牛而目不踰豕鼻長七尺大如臂所食  
物皆以鼻取之或食芻必再三整齊乃食能別道之虛實  
稍虛輒不肯過其鼻端有爪形得之可以拾針若磁石有  
肉其膽不附肝隨身轉諸獸肉中其牙長一尺每雷震必  
倉卒間似花暴出逡巡隱沒其性妬有別不畜淫子

虎



虎

虎大寒之日始交七月而生性至猛烈雖遭逐猶復徘徊  
 顧步其傷重者輒咆哮作聲而去聽其聲之多少以知去  
 之遠近率鳴一聲者為一里其搏物不過三躍不中則捨  
 之其食物值耳輒止以為觸其名故也嘗傷人者耳輒有  
 缺若鋸夜視以一目放光一目看物獵人候而射之目光  
 墮地得之如白石又知衝破能畫地以下毛白者謂之麤  
 黑者謂之魑

虎



兔

兔口有缺吐而生子故謂之兔兔吐也咀嚼者九竅而胎  
 生獨兔雌雄八竅故陶氏書云兔舐雄毫而孕五月而子  
 而里俗又謂視顧兔而感氣故卜秋月之明暗以知兔之  
 多寡顧兔者居月之腹者也凡野獸有毫惟兔足底皆毛  
 號建毛性狡善走兔之所處其穴常為三竅

鹿



鹿

鹿六爲律律王鹿故鹿六月而生荆楚之地其鹿絕似馬  
當解角時望之無辨土人謂之馬鹿性警防分背而食以  
備人物之害舊說鹿者仙獸至六十年必懷瓊於角下角  
有班痕紫色如點行或有涎出於口不復能急走

牛



三才圖會卷之九 鳥獸三

十一


九

三才圖會卷之九 鳥獸三

牛

牛畜之有力而順者但有豎瞳而無橫瞳見一物輒造天  
 故童子得而制之牛之名色特牛謂之牯牛父謂之特子  
 謂之犢吳人謂犢曰犗牛羊無子謂之犛二歲謂之犛三  
 歲謂之犛四歲謂之牯騄牛謂之牯純色謂之牯駁謂之  
 犛白黑雜毛謂之牯犛黃白色謂之牯駁如星謂之犛黃  
 牛虎文謂之犛黃牛黑唇謂之犛白脊謂之牯又謂之犛  
 長脊謂之犛白牛謂之牯其為物也病則耳燥安則潤澤  
 善角虎環其首外觸虎雖猛不能制

驢



圖會卷之九

九

驢

驢似馬而長耳低小不甚駿故稱蹇驢一名爲衛猶龜之名蔡也率以午及五更初而鳴性能旋磨及馱負其子按說文別名驂馬父驢母所生則稱馱驢生三日而超其母言其過於驢也又一名鷹

犬





犬

犬有三種一者田犬二者吠犬三者食犬食犬若今菜牛也其性守故畜以衛宅凡肉豚宜炮犬宜羹故禮有犬羹爾雅曰犬生三獫狁二師一斲師衆也獫言叢聚也犬未成豪曰狗長喙曰獫短喙曰猓獫長喙善獵短喙善吠以守一名尨犬之良者韓有盧宋有鵠盧黑色鵠黑白色

獫



三才圖會卷之鳥獸三  
一五  
獲

獲似獼猿而大色青黑能攫持人好顧眄長七尺人行健  
走名曰猿獲或曰猴獲又名馬化伺行道婦女有好者輒  
盜之以去抱朴子云猿壽五百歲則變爲獲又有羆生西  
方深山面如獼猿體大如驢善緣木皆雌無雄群羆相隨  
要路上強牽男子而三合之十月而生此亦獲之類也

馬



馬

馬火畜也火性健決躁速故易乾為馬乾陽物也故其蹄  
圓起先前足卧先後足八尺以上為龍七尺以上為駮六  
尺以上為馬又有果下馬謂其卑乘之可以摘果也馬左  
足白曰鼻純黑曰驪青驪曰駒即鐵驄也驪馬白跨曰驕  
黃白曰皇黃驛曰黃倉白雜毛曰騅黃白雜毛曰駮赤黃  
曰騂青黑曰騏青驪驎曰驛即連錢驄也白馬黑鬣曰駱  
赤身黑鬣曰駮黑身白鬣曰雜陰白雜毛曰駮陰淺黑色  
即泥驄也彤白雜毛曰駮豪在骭而白曰驪二目白曰魚  
駮馬白腹曰駮駮白曰駮黃馬黑喙曰駮馬之良者有蒲  
稍龍文汗血之屬有赤鬣稿身目若黃金名曰駮周文王  
時犬戎獻之

豕



豕

豕彘也豕之性能水牧豬之所必在水草之交四蹄皆白  
曰豨豕之躁者說卦坎爲豕坎性趨下豕能俯其首又喜  
卑穢亦水畜也故坎爲豕豕子曰豚生三子謂之縱生二  
則謂之師生一則謂之特其牝者曰豨說文又以小豚爲  
彘生三月爲豨生六月爲豨或曰一歲爲縱二歲能相把  
孳爲豨三歲豕肩相及爲豨其說縱與爾雅不同然皆小  
豕之名故詳著之

鯪

鯪



三才圖會卷之四十三

七

鮫鯉

鮫鯉四足似鼉而短小狀如獺遍身鱗甲居土穴中蓋獸之類非魚之類也特其鱗色若鯉又謂之鮫豸鄉人謂之穿山甲以其尾大能穿穴故也能陸能水出岸間鱗甲不動如死令蟻入甲蟻滿便閉甲入水開之蟻皆浮出因接而食之故能治蟻

羊



羊

羊性善群每成群則以一雄爲主舉群聽之又性前逆其腸九縈善瘦有疾輒相汙小曰羔五月生羔曰羴六月生羔曰羴七月生羔曰羴未卒歲曰羴牡者曰羴吳羊白羴曰羴夏羊黑羴曰羴其牝者曰羴夏羊牝者曰羴羊之角主明目安心益氣輕身辟鬼魅羊於六畜爲易生又繁息之物一歲之間母既生子子復生孫孫又生子子號爲一歲三生

熊



三

十一

熊

熊類犬豕人足黑色春出冬蟄當心有白脂如玉味甚美俗呼熊白其膽春在首夏在腹秋在左足冬在右足好攀木而引氣謂之熊經冬蟄不食饑則自舐其掌故其美在掌山中行數十里悉有踰伏之所必在山崑枯木中山民謂之熊館亦有兩種猪熊其形如猪馬熊其形如馬各有牝牡

麕



圖會



麋

麋之性怯又謂之獐章者章皇也俗謂之白肉照水見影  
驚奔麓豪之人食其心肝者便即小膽若素懦者則轉怯  
不知所為極能走然未及鹿崔豹古今注曰麋有牙而不  
能噬鹿有角而不能觸大者不過三二十斤老則牙見於  
外淮人謂之牙獐

鼠



鼠

鼠

鼠盜竊小蟲夜出其體冗強之者其種類至多好自揚  
弄其鬚性疑此穴多不與故持兩端者謂之首鼠今河東  
有大鼠能人立交兩脚於頸上謂之禮鼠又謂拱鼠一種  
鼯鼠類之最小者又名耳口鼠食物當時不覺痛一種栗  
鼠蒼黑而小取其尾豪可以製筆世所謂鼠鬚栗尾者也  
一種鼯鼠喜食竹故曰竹鼯一種鼯鼠形如鼠大而無尾  
黑色長鼻甚強常穿地而行見日月光則死深山中林木  
下有之說文云伯勞所化一名鼯鼠一名隱鼠一種鼯鼠  
一名鼯一名鼯似鼠而小又有與鳥同穴者曰鼯鼠如人  
家鼠而短尾又一種如鼠而大出入長松之間俗呼松鼠  
一種如鼠而小其黑色穢不可聞者俗呼鐵鼠西域復有  
火鼠在烈火中人取其毛緝之號火浣布

𧇧

𧇧



水國會卷之鳥魚三

十四

獺

獺如小狗水居食魚率以正月取魚水傍四面陳之謂之  
祭魚性能知水之高下其為穴必預度水所不至鄉人以  
是為潦水之候舊說諸畜肝葉數皆定惟獺肝一月一葉  
十二月則二葉又有一種名獺獺形大頭如馬身似蝙蝠  
居水中食魚

獺



龜

耳鼠

鼯狀如小狐翼大率如服翼翅尾項脇毛紫赤色背色蒼  
艾腹下黃喙頷雜白脚短爪長尾三尺許好暗夜行飛且  
乳亦謂之飛生聲如人呼食火烟能從高赴下不能從下  
上高荀子曰鼯鼠五技而窮謂能飛不能上屋能緣不能  
窮木能遊不能渡谷能穴不能掩身能走不能先人雖多  
技能皆有窮極也一名夷由一名鷗又名飛躡又名鼯鼠  
山海經曰丹熏之山有獸焉其狀如鼠而兔首麋耳其音  
如嗥犬以尾飛名曰耳鼠

如人



如人

東陽國有寓寓爾雅作佛佛狀似人黑身披髮見人則笑  
笑則唇掩其目郭璞云佛佛恠獸披髮猩足獲人則笑唇  
蔽其目終乃號咷反為我戮

贏



三才圖會卷之鳥獸三

十七

羸

羸者馬牝驢牡所生似驢而健於馬舊非國中所產故漢書以為匈奴奇畜馬力在前膊驢力在髀羸力在腰羸股有項官故不能生其狀大骨若舊而口小小骨若杵而頭大小口御大頭故不可出此羸所以不滋息又有馬與牛合而生者皆牛為牡馬為牝今川廣皆產羸生於廣者蹄輕生於川者蹄重以大武之遺體也

狐



狐

狐妖獸鬼所乘也其狀銳口而大尾說者謂古淫婦所化  
 其名曰紫其性多自稱阿紫善為媚惑人故稱狐媚性善  
 疑方河冰合時聽冰下水無聲乃行人每則之說文云狐  
 有二德其色中和小前大後死則丘首

鼯



三才圖會卷之鳥獸三

廿九



三才圖會卷之三  
鳥獸三  
三十一  
鼯

鼯形如鼠大而無尾黑色長鼻甚強常穿耕垣中行陳藏  
器云今之鼯鼠小口尖者陰穿地而行見日月光則死深  
山中林木下有之一名隱鼠齊東野語所謂北令邦者豈  
即此耶

麀



麋

麋土畜也信而應禮以足至者也軒轅大角之獸狼額赤  
目五蹄含仁懷義音中鐘呂行中規矩不群居不旅行不  
入陷穿不罹羅網王者至仁則出蓋太平之符也故麋似  
麟牡麒麟麋陰主各故牝曰麋也

麋



麋

如小鹿有香故其文从鹿从射虎豹之文今商汝山中多群麋所遺糞嘗就一雖遠逐食必還走其地不敢遺跡他所慮爲人所獲人反以是從迹其所在必掩群而取之蓋麋絕愛其香每爲人所追逐勢且急即自投高巖舉爪剔出其香就繫且死

龍馬

孟河出龍馬者仁馬也高八尺五寸長頸脰上有翼旁有垂毛蹈水不沒聖人能用則天不愛道地不愛寶故河出龍馬焉



夔

東海中有獸狀如  
牛蒼身無角一足  
出入則有風雨其  
音如雷名曰夔黃  
帝得之以其皮冒  
鼓復取其骨擊之  
似雷聲聞五百里



麤

麤似羊而大角圓  
銳好住山崖間夜  
宿以角掛木不著  
地其角號為有神  
故能辟去不祥北  
人多食南人食之  
能免為蛇蟲所侵



貓

貓小畜之猛者性陰而  
畏寒雖盛暑卧日中不  
憚鼻端四時冷濕惟夏  
至即温目睛早晚圓日  
中如線其耳經捕鼠之  
後則有缺如鋸如虎食  
而鋸耳也



水馬

求如山渭水出焉  
西注于諸毗之水  
中多水馬文臂牛  
尾周禮云馬黑脊  
而班臂漢武帝元  
符四年燉煌渥洼  
水中出焉以為肇  
瑞是也



三才圖會卷之鳥獸二

三十四

豹

豹似虎而圈文有  
數種尾赤而文黑  
謂之赤豹又有玄  
豹黑豹白豹其為  
物往而能反故曰  
豹死首山軍之殿  
後者豹尾以入



駝

義訓曰牛之聲曰  
牟駝之聲曰圓駝  
卧腹不帖地屈足  
漏明則行千里背  
有肉鞍如峯長頸  
高脚善負知泉脉  
所在處輒停不行




三才圖會卷之三

三才圖會卷之三

麋

白虎通曰熊為獸  
巧猛麋為獸迷惑  
故天子射熊諸侯  
射麋麋水獸也青  
黑色肉蹄鹿屬也  
故麋之文從鹿鹿  
從米則以麋性善  
述故也



猴

猴一物而五名猴  
獼猴為禺又有沐  
猴毋猴之稱毋非  
牝也沐音之轉耳  
性躁動好殘毀物  
器好象人所為生  
子輒倣人浴山澗  
中



三才圖會卷之四

三十一

三才圖會卷之四

三十一

三十一

羴

秦戲山有獸狀如羊一角一目目在耳後名曰羴其鳴自呼滹沱之水出焉今滹江河出雁門鹵城縣南是也此獸現時王國內禍起宮中大不祥也



豺

豺狗足豺似狗而長尾白頰高前廣後其色黃季秋取獸四面陳之以祀其先世謂之豺祭獸又曰瘦如豺蓋豺體細瘦故謂之豺





赤豹

春山多赤豹毛詩  
宣王詩云王錫韓  
侯其追其豹奄受  
比國因以其伯獻  
其貔皮赤豹黃羆



貍

或曰虎五伯為貍柳子曰  
貍畏虎虎畏熊釋獸曰貍  
似狸兕似牛犀似豕又曰  
貍漫似狸貍虎屬也漫狼  
屬也古者田獵必有所祭  
漢書音義曰貍以  
立秋日祭獸故漢  
于是時祭焉



塵

塵獸似鹿而大其尾  
辟塵以置藉帛中能  
令歲久紅色不黧又  
以拂氈令氈不蠹名  
苑曰鹿之大者曰塵  
鹿隨之皆視塵所



狨

狨蓋猿狖之屬輕捷善緣  
木大小類猿長尾尾作金  
色今俗謂之金線狨是也  
生在峽深山中人以藥矢  
射殺之取其尾為卧褥鞍  
被坐毯狨甚愛其尾中矢  
毒即自齧斷其尾以抑之  
惡其為深患也



貂

貂亦鼠類縹毛者也  
其皮煥於狐貉取以  
為帽得風則煖其毛  
拂面如焰朔地苦寒  
人以其皮温額



獠

獠獸似猿青身黑頰  
有髯髯黑其手亦黑  
性好理髯又愛其類  
生相序死相赴殺一  
可以致百今人取以  
藥矢射之其偶為拔  
其矢因以自刺與之  
俱斃



豸

豸胡犬也似狐而小黑  
喙善守其字以干釋言  
曰干豸也記曰君子狐  
青裘豹褰麕裘青豸褰  
豹取制服豸取守也周  
官七射豸侯豸胡犬也



貔

貔豹屬猛獸出貉國詩曰獻  
其貔皮曲禮云前有執獸則  
載貔貅陸機云貔似虎或曰  
似熊一名執夷一名曰狐遼  
東人謂之白貔是也



麋

麋大麋毛尾狗足能上木好作聲字說曰麋虎所在必鳴以告鹿屬馮而安者亦其聲几几然出東南山谷今有山林處皆有而均房襄漢間尤多實麋類也大麋毛長狗足者名麋



三才圖會

鳥獸四卷

獸類

雲間元明父王思義續集

檣祝

問

狼

黑狐

猛狗

鹿蜀

白澤

獺

狡

窮奇

猛槐

葱龔

玄獬

矐踈

類

馬腸

長旒

璠

白猿

鼬鼠

兕

駮

狗獾

獰

蠻

狎

當庚

臧羊

毫猪

青熊

角獸

羸

飛鼠

驪馬

旄馬

羆

三才圖會卷之八 鳥獸四  
旄牛 乘黃 旱獸 赤狸 玄豹 士犛

猪獃 獠 獒 螻蛄 朱孺 天犬

比肩獸 幽類 屏翳 鴉 鼬犬 狷衷

蠱雕 天馬 厭火獸 天狗 彙 犖

三角獸 強良 黑人 神魁 囂 酋耳

梁渠 九尾狐 貉 狻 狻 桃拔

雌 饕餮 猩猩 狽 狽 狽 山狽

禱杙

禱杙獸之至惡者好鬪  
至死不却西荒中獸也  
狀如虎毛長三尺餘人  
面虎爪口牙一丈八尺  
獲人食之獸鬪終不退  
却惟死而已一名倒壽



閭

周書王會篇北唐戎貢  
以閭閭似隄冠不知隄  
冠之爲何物而北山海  
經縣壘之山其獸多閭  
閭則羴也似驢歧蹄角  
如羚羊一名山驢說者  
言山驢以爲山羊之類  
大如鹿皮堪靴用



狼

狼貪獸而猛聚物不整  
故稱狼籍又稱粒米狼  
戾



黑狐

北山有黑狐者神獸也王者能致太平則此獸見四夷來貢周成王時嘗有之



猛狗

南山有獸名曰猛狗似熊而毛彩有光澤其食銅鐵





鹿蜀

柟陽山有獸狀如馬白首虎文赤尾其音如謠名曰鹿蜀人寢其支則宜子孫



白澤

東望山有澤獸者一名曰白澤能言語王者有德明照幽遠則至昔黃帝巡狩至東海此獸有言為時除害



貘

南方山谷中有  
獸名曰貘象鼻  
犀目牛尾虎足  
身黃黑色人寢  
其皮辟瘟圖其  
形可辟邪舐食  
銅鐵不食他物



狡

玉山有獸名曰  
狡犬狀而豹文  
牛角而大聲巨  
口黑身見則天  
下大穰韓子云  
穰歲之驗也



三才圖會卷之八 鳥獸四

窮奇

邽山有獸狀如  
牛騾尾蝟毛音  
如嗥狗鬪乃助  
不直者名曰窮  
奇亦能食人



猛槐

譙明之山有獸  
伏如貍赤毫魯  
猪也其聲如  
鼯鼠名曰猛槐  
圖之可以禦凶



葱龔

符遇山有獸名

曰葱龔狀如羊

赤鬣而黑首



玄豸

滲瓏澤有玄豸

者穆天子傳曰

天子獵於此澤

得玄豸以祭河

宗周禮曰豸踰

汝則死此地氣

使然也



三才圖會卷之九

七

臄踈

帶山有獸狀如馬首有角可以鑄石名曰臄踈



類

亶受山有獸狀如釋有髮名曰類自為牝牡食之能不妬



馬腸

蔓渠山有獸名  
馬腸其狀人面  
虎身音如嬰兒  
食人




長彘

浮玉山有獸狀  
如猴四耳虎毛  
而牛尾其音如  
犬吠名曰長彘  
食人見則大水



羆

句山有獸狀如  
羊而無口黑色  
名曰羆其性頑  
狠人不可殺



白猿

常庭山多白猿  
狀如獼猴而差  
大臂脚長捷善  
攀援樹木其聲  
哀



鼬鼠

鼬鼠似貂赤黃色  
大尾俗謂之鼠狼  
捷於捕鼠一名鼬



兕

禱過山多兕狀如野牛  
青色一角長三尺餘似  
馬鞍善鑼身重千斤其  
皮堅厚可以制鎧又曰  
兕似虎而小不啗人夜  
間獨立絕頂山崖聽泉  
聲好靜直至禽鳥鳴時  
天將曉方歸其巢





駮

中曲山有獸狀如馬  
白身黑尾一角虎足  
鋸牙音如振鼓能食  
虎豹名曰駮佩之可  
以禦凶



狷

狷狀似狗埤雅  
糴同穴而居糴之出  
入以糴為導字說糴  
糴為曲穴以避雨暘  
亦以防患今山園曲  
穴中處處有之即此  
其皮可以禦風



猪獾

猪獾状如猪與  
狗獾同類山園  
曲穴中處處有  
之



蠻

崗山洛水出焉  
比注河中有獸  
名曰蠻其状鼠  
身鬣首音如犬  
吠



猱

猱狀如赤豹五

尾一角音如擊

石



當庚

欽山中有獸狀

如豚名曰當庚

其鳴自呼見則

天下大穰

猱



羴羊

華山有獸狀如  
羊馬尾名曰羴  
羊爾雅云羊六  
尺為羴即此羊  
也脂可以治皴



毫猪

竹山有獸狀如  
豕白毛如簪而  
端黑名曰毫彘  
能以脊上毫射  
物



青熊

青山中有青熊  
者周成王之時  
天下太平東夷  
之人屠何獻也



角獸

泉山有一角獸  
者瑞獸也六合  
同歸天下太平  
則此獸乃至也



羸

羸狀如羸黃身

白首曰尾見則

大風



飛鼠

大地山有獸如兔而

鼠首以其背毛飛飛

即伸名曰飛鼠



騊駼馬  
歸山有獸狀如鹿而  
四角馬尾有距名曰  
騊善逐其鳴自呼



旄馬

南海外有旄馬狀如  
馬而足有四節垂毛  
即穆天子傳所謂毫  
馬也在巴地西北高  
山之南



羆

羆似熊白文長  
頸高脚被髮人  
立猛憨多力能  
拔木而甚害人



旄牛

侯山有獸狀如  
牛其足有四節  
而毛長名曰旄  
牛





乘黃

西海外白民國有  
乘黃馬白身被髮  
狀如狐其背上有  
角乘之壽二千歲



旱獸

如逢山有獸狀如  
狐虎身有兩翼音  
如嬰兒見王太旱



赤狸

西海有赤狸周  
文王囚於姜里  
散宜生得之獻  
紂遂免西伯之  
難



玄豹

懷塗山有玄豹  
虎身白點文王  
囚姜里散宜生  
得之獻於紂王  
而紂王大悅



上羴

崑崙之丘有獸  
名曰上羴狀如  
羊四角其銳難  
當觸物則斃食  
人



諸犍

單張山有獸狀  
如豹而尾長至  
首牛鼻盲目名  
曰諸犍善叱行  
則嚙其尾居則  
蟠之



貮

翼望山有獸狀  
如狸五尾名曰  
貮又貉類其音  
奪衆聲食之可  
以治瘡



獬

如逢山有獸狀  
如狐有翼音如  
雁名曰獬見則  
大旱



蜚蛭

鳧麗山有獸其  
狀如狐而九首  
九尾虎爪名曰  
蜚蛭音如嬰兒



朱獠

耿山有獸狀如  
狐而魚鬣名曰  
朱獠其鳴自呼  
見則國有大恐



天犬

天門山有赤犬名  
曰天犬其所現處  
主有兵乃天狗之  
星光飛流注而生  
所生之日或數十  
其行如風聲如雷  
光如電吳楚七國  
反時嘗吠過梁野



比肩獸

西方有獸一名曰比  
肩又名蚤蝮其狀鼠  
前兔後爾雅云如蚤  
蚤距虛其為比毋食  
得甘草必遺蚤人來  
則蚤虛負之走王者  
德及幽遠鰥寡無棄  
則生出正連山



三才圖會卷之四十四

三才圖會卷之四十四

幽額

古山上無草木  
有泚水西注于  
河中有獸文背  
善笑見人則佯  
卧名曰幽額其  
鳴自呼



屏翳

屏翳在海東之  
北其獸兩手各  
拿一蛇左耳貫  
青蛇右耳貫赤  
蛇黑面黑身時  
人謂之雨師



山海經卷之四

鴉

崦嵫山有獸名曰鴉人面熊身大尾有翼其鳴百呼見則大旱



鼬犬

渠搜國有鼬犬周成王時獻之鼬犬者露犬身高三尺有翼能飛





狷狻

堯光山有獸狀  
如獼猴人面  
鬣穴居冬蟄名  
曰狷狻音如斫  
水聲見多徭役



蠱雕

鹿吾山有獸名  
曰蠱雕狀如豹  
而鳥喙有一角  
音如嬰兒食人



犬馬

馬成山有獸狀如白犬黑頭見人則飛不由翅翼名曰天馬其鳴自呼見則豐



厭火獸

厭火國有獸身黑色火出口中狀似獼猴如人行坐



天狗

陰山有獸狀如狸白首  
名曰天狗食蛇其音如  
猫佩之可以禦凶



彙 獸小小耳似鼠

而毛束大者如小狧小

者如瓜脚短尾長寸餘

冬曰色見人則藏面腹

下員輒如栗房攢毛外

刺不可搏執漢元封二

年大雪深數尺牛馬蹠

縮如蝟即此類也



犛

西南夷長毛牛也  
似牛而四節腹下  
及肘皆有赤毛長  
尺餘而尾尤佳其  
大如斗天子之車  
在纛以此尾為之



三角獸

西凸山有三角獸  
乃瑞獸也先王法  
皮脩明則至



強良

大荒山北極外

有口銜蛇其狀

虎首人身四蹄

長肘名強良



黑人

南海之內巴遂

山中有黑人虎

首兩手持兩蛇

啖之



神魁

剛山多神魁亦  
魑魅之類其狀  
人面獸身一手  
一足所居處無

兩



鷲

喻次山有獸狀  
如寓長臂善殺  
名曰鷲



茵耳

英林山有茵耳  
周成王時魯獻  
之尾長於身食  
虎豹王者威及  
四夷則此獸至



梁渠

磨石山有梁渠  
如狸白首虎爪  
見則國有兵



九尾狐

青丘國在海東  
之北有狐四足  
九尾汲邵云栢  
柸子出征嘗獲  
一狐九尾



貉

貉似狸善睡狐  
善疑貉善睡故  
狐貉之厚以居  
也其營窟與獾  
皆為曲穴以避  
雨暘亦以防患





猿

猿臂通肩刻之  
可以為笛聲圓  
於竹猿猴屬長  
臂善嘯便攀援  
故其字从援



獾

獾獸之長者一  
名鰻鯁以其長  
故从曼从延郭  
璞云鰻鯁大獸  
似狸長百尋也  
說文獾狼屬也



二二 司會長...

廿二

三二 司會長...

廿二

挑拔

挑拔一名符拔  
似鹿長尾一角  
者或為天祿兩  
角者或為辟邪  
一名扶拔



雖

雖狄也似獼猴  
而大黃黑色尾  
長數尺似獼尾  
末有岐鼻露向  
上雨則自掛於  
木以尾塞鼻或  
以兩指江東叅  
之為物捷



饕餮

饕餮羊身而人面其目在腋下虎齒人爪音如嬰兒食人如物鈎玉之山有之山海經謂之狗

焉



猩猩

鵲山有獸狀如禺類獼猴髮垂地江東山中亦有名猩猩能言



狸

狸者狐之類口  
方身文黃黑彬  
彬善擗為小步  
以擬度其發必  
獲謂之狸步量  
侯道法之好伏  
豢又為伏獸



羴

羴西方野羊狀  
若驢而群行其  
角甚大受斗餘  
夏天塵露在其  
角上生草載行  
愛玩之獨寢餘  
者不敢近也



山獬

獄法山有獸狀  
如大人面善躑  
見人則笑名曰  
山獬其行疾如  
風見則大風起



